

DIARIO



ARUBANO

Arubaanse Courant

Den cual a ser inclui "La Prensa"

Anja 26.

DIARAZON 3 MAART 1965

No. 5273

Pastoor Erkamp ta lanza: Reunion especial di cuaresma

ORANJESTAD - Un di e iniciativonan di mas nobo di pastoor N. Erkamp di parokia di Oranjestad ta un reunion special dia 19 di maart venidero den e sala di gymnastiek di Maria College pa e teenernan. Durante di esaki lo tin meditacion special pa cuaresma, mientras cu palabra lo worde dirigi door di pater dr. A. Roomer di Corsow y senjorita Christina de Freitas. Tambe lo tin cooperacion musical di e cantante Miriam Morales y Jossy Brokke. Nan lo canta "Negro Spirituals".

Dia binticuatro y trinta di luna aki despues lo tin na iglesia San Francisco na Oranjestad, oranan di oracion y meditacion na Hulandes. Pater W. Daandels, rector di San Pedro Hospital lo dirigi esaki. Nan ta cuminsa pa ochor di anochi. Dia binticinco di maart pa ochor lo tin atrobe den Maria College un otro reunion cu meditacion pero na papiamiento pa e grandinan. Aki lo papia pastoor W. Ellis di Corsow.

Dia promer di april pa ochor di anochi tambe den Maria Col-

lege lo tin un anochi di slides cu lo muestra e "Sufrimento den mundo" dia ocho tambe lo tin tal presentacion. Promer anochi na papiamiento y despues na Hulandes.

Tambe nos a worde informa cu e coleccionan den iglesia San Francisco durante di cuaresma lo ta pa yuda esnan den mester. Tambe lo tin un caha special den

centro di iglesia, den cual articulonan manera panja bon cu no ta worde usa, cuminda etc. por worde poni. Durante di e tempo-



rada di cuaresma lo tin tur diarazon anochi un predicashi chikito pa banda di sietor.

E programa di pastoor Erkamp pa e simanan venidero ta muestra tambe cu Amical lo bai tene un accion diadomingo dia diezcuatro venidero na porta di misa. Nan lo bende stickernan pa auto. E placa ta pa yuda e muchanan menos afortunado cu door di falta di panja, zapato etc. no por bai school. E accion ta worde considera di interes sumamente importante debi na cu te ainda tin hopi mucha cu no por bai school pa e motibo aki. Amical ta un organisacion di ex alumnonan di La Salle School kendenan ta dedica nan mes na duna yudanza na e muchanan di casnan menos afortunado cu door di esey no por asisti na school.